

Berita-Berita Ringkas Dari Alam Islami

Kerajaan ‘Arabiyyah Sa‘udiyyah telah

mengirim derma sebanyak 70 ribu pound sterling kepada mangsa, gempa bumi yang berlaku di negeri Turki pada bulan Ogos yang lalu. Gempa bumi itu telah memusnahkan sebuah kota bernama “Varto” dan mengorbankan kira-kira 3000 jiwa manusia.

* * *

Al-Shaykh Khaled Al-Masoud Menteri

Pelajaran Kuwait akan berlepas ke Paris untuk menandatangani persetujuan kebudayaan dan kesenian di antara kerajaan Kuwait dengan Perancis.

* * *

Pada tanggal 20 Ogos 1966 yang

lalu kerajaan Morocco (al-Maghribi) telah mengadakan suatu keramaian secara besar-besaran, kerana memperingati hari ulang tahun yang ketiga belas pemberontakan raja dan rakyat terhadap penjajah Perancis.

* * *

Al-Shaykh Jaber al-Ahmad al-Sabah

Putera Mahkota Kuwait telah mengeluarkan perintah supaya dikirimkan satu rombongan perubatan Kuwait ke negeri Iraq untuk membantu kerajaan Iraq menentang penyakit taun (*cholera*) yang sedang merebak dengan hebatnya di setengah-setengah wilayah di dalam negeri Iraq.

* * *

Kementerian Luar Amerika telah

mengesahkan bahawa dua buah kapal perang pembinasan Amerika dari armada yang keenam akan singgah berlabuh di pelabuhan kota Port Sa‘īd Mesir di antara tanggal 2 dan 5 September yang akan datang ini.

* * *

Mahkamah Keamanan Negara di Amman –

Shirqi al-Irdan – telah menjatuhkan hukuman penjara kerja berat selama 5 tahun ke atas tiga orang daripada pemimpin Parti Komunis yang telah diharamkan kerana kegiatan-kegiatan mereka melancarkan dakyah fahaman komunis di negeri itu.

* * *

Pada tanggal 23 Ogos 1966

yang lalu, suatu perjanjian kebudayaan, sains, ekonomi dan perniagaan di antara kerajaan ‘Arabiyyah Sa‘udiyyah dan Tunis telah ditandatangani oleh wakil-wakil dari kedua-dua buah kerajaan itu di Kota Tunis ibu negara kerajaan Tunis. Bagi pihak kerajaan ‘Arabiyyah Sa‘udiyyah diwakili oleh al-Sayyid Omar al-Saqqaf wakil tetap kementerian luar ‘Arabiyyah Sa‘udiyyah dan bagi pihak kerajaan Tunis diwakili oleh al-Sayyid Mahmoud al-Mestiri *Secretary General* Kementerian Luar Tunis.

* * *

Suatu Berita Yang Telah Disahkan

oleh Kementerian Luar Afghanistan menyatakan bahawa al-Sayyid Mohammad Hashim Perdana Menteri Afghanistan akan menziarahi negeri Turki pada tanggal 22 September 1966 atas undangan khas dari al-Sayyid Süleyman Demirel Perdana Menteri Turki.

* * *

Buat sementara waktu mulai dari

tanggal 26 Ogos 1966 yang lalu hingga ke suatu masa yang akan diberitahu kelak, kerajaan Turki telah menutup sempadan negerinya dengan negeri Iraq untuk mencegah merebaknya penyakit Taun (*cholera*) yang sedang bermahrajalela di dalam negeri Iraq, menyerang masuk ke dalam negeri Turki.

Hingga ke masa ini di seluruh negeri Turki tidak ada berlaku penyakit taun.

* * *

Di ibu kota Shirqi al-Irdan - Amman

- telah dirasmikan suatu berita bahawa pada minggu yang ketiga di dalam bulan Oktober 1966 yang akan datang ini President Ayub Khan dari Pakistan akan mengadakan suatu lawatan mahabbah ke Shirqi al-Irdan. Selepas itu beliau akan terus bertolak ke London untuk melawat seluruh Great Britain selama sepuluh hari atas undangan dari Ratu Elizabeth.

* * *

Surat Ihabar-surat khabar di Pulau Cyprus

telah mensifatkan bahawa berita-berita yang telah

disiarkan oleh surat khabar

“Eleftheria” yang diterbitkan di Athena

- ibu kota negara Greek – bahawa

di sana ada menandakan ada suatu

persetujuan telah dicapai antara

President Makarios dan

President Gamal Abdel Nasser di dalam

bidang menggunakan rukyah-rukyah Mesir bagi

menangkis serangan-serangan yang akan

dilancarkan oleh Turki terhadap

Pulau Cyprus

* * *

Majlis Menteri-menteri Algeria

di dalam suatu sidang mesyuaratnya

telah memutuskan untuk membentuk

sebuah lembaga khas bagi mengadakan

persiapan dengan secepat mungkin

untuk mengembalikan Bahasa Arab

dijadikan bahasa pengantar di dalam semua

sekolah-sekolah diseluruh Algeria. Sayugia

dingat bahawa dari sejak Algeria

di bawah jajahan Perancis, Bahasa

Arab tidak pernah diajarkan

di sekolah-sekolah seluruh negeri Algeria.

Sebagai gantinya digunakan Bahasa

Perancis. Oleh itu, selepas

Algeria mencapai kemerdekaannya

didapati 80 peratus diantara

rakyatnya tidak tahu bertutur bahasa

Arab.

* * *

Surat khabar “El Moudjahid” yang

diterbitkan di Algeria telah menyiaran

suatu berita, bahawa sebanyak 21

buah negeri-negeri Eropah, Asia dan

Afrika akan turut sama mengambil

bahagian di dalam satu pameran

perniagaan peringkat internasional

yang ketiga akan diadakan di kota

Algeria di antara tanggal 16 September



Al-Malik Faisal keluar daripada bangunan Persatuan Bangsa-Bangsa di New York dengan diiringi oleh U Thant.

dan Oktober yang akan datang ini.

laut. Presiden-presiden ini bertemu sebagai

menyambung persidangan yang telah diadakan

di Copenhagen oleh ketiga-tiga buah

negeri itu pada Jun yang lalu. Titik-titik

persetujuan akhir telah banyak dicapai

di dalam persidangan itu.

Satu sidang tertutup telah

diadakan oleh wakil-wakil dari negara-negara

‘Arabiyyah Sa‘udiyyah, Iran dan Kuwait

mengenai menentukan sempadan perairan

di Teluk Parsi yang dikatakan

mengandungi telaga-telaga petrol di bawah